

ادبیات عمومی و تاریخی

هفته‌لق سیاسی ، ادبی ، علمی غزته در

جلد : ۳

سنه : ۲ ۱۰ جاذی الاخر ۱۳۳۶ جمعه ایرتسی ۲۳ مارت ۱۹۱۸ نوسرو ۲۹ — ۶۰

تورکک مثنائه وائر

اسکی تورککرایله قدیم یونانیلرک عرقاً یکدیگریله مقایسه‌سی

اسکی تورککرایله قدیم یونانیلر بیننده اول اسرده برمناسبت عرقیه عمومیه واردرکه اوده آنلرک ایکینسک دخی عرق ایضه منسوب اوله لیدر . فقط بزم بیلک ایسته‌دیکمز مناسبت بو اولمایوب مناسبت عرقیه خصوصیه در .

بز ، تورککرایونانیلره (روم) نامنی ویریرزکه بو بویوک برخطادر . (روم) و (رومی) اساساً (رومالی) وروما ایمپراطورلغی اهایسی دیمکدر . (روجه) دخی اساساً (لاتیجه) دیمکدر . فقط صوکره‌لری شرقی روما ایمپراطورلغی اهایسی نسان یونانی‌نی تکلم ایتکه باشلامش اولدقلرندن ، (روم) کله‌سی غلط اوله‌رق (یونان) کله‌سی مقامنده قوللانغنه باشلامشدر . آناتولیده تأسس ایتش اولان بعض تورک حکومتلرایله دولت عثمانیه مذکور ایمپراطورلغک ممالکنه قسماً ویا کاملاً مالک اولدقلری ایچون بودولتله علم اوله‌رق عربلرایله عجملر (رومی) تعبیری استعمال ایدرلر . بناءً علیه (روم) و (رومی) تعبیرلری محذوردن سالم دکدرلر .

(یونان) تعبیری اسکی بر یونان قبیله‌سی اسمندن مأخوذ اوله‌رق اساساً قوم اسمی و (یونانی) کله‌سی دخی برصفت ویا (یونان لسانی) مقامنده استعمال اولمقده ایسه‌ده بز اکثریا (یونان) قومنی افاده ایتک ایچون (یونانی) و (یونانی) شکاری دخی استعمال ایده‌رز .

فرانسزلر یونانیلره (غره‌ق) و آلمانلر (غریه‌ش) تسمیه ایدرلرکه بوتعبیر لاتینجه (غره‌کوس) دن مأخوذدر . بولکه رومالیرک ایلک اوچکه (ایلیریا) ده طانیققلری برقبیله اسمندن مأخوذدر .

یونانیلرک تقریباً میلاددن اون درت‌عصر اول کندیلرینه ویردکلری نام ملی (تله‌ن) و یونانستانه ویردکلری اسم (تله‌لاد) در . فقط تاریخ مذکوردن اول یونانستانده بر اجتماع ملی یعنی بر ملت متأسس اولمایوب بلکه متعدد و مختلف قوملر و قبیلهلر موجود ای .

یونان ملتک یعنی تله‌لنلکک تشکیلدن اول یونانستانده بولشمش اولان اقوامه طائد معلومات تاریخیه بزه عرق یونانی‌نی بیلدیره‌جکندن ، معلومات مذکوره بوجه زیر درج اولونور .

هفته‌لق بارخ حرب و سیاست

[۱۴ - ۲۰ مارت ۱۹۱۸]

هفته‌لق وقایع سیاسی و عسکریه ایله دولو اوله‌رق کذار اییدیور. روسیه کتله معظه‌سندن افتراق حرقانی دوام ایتمده. (قورلاند) ولایتی مجلسی (میتا) ده طویلانه‌رق شویله برقرار اتخاذایتدی:

« ۱ — قورلاند دوقه‌لقی تاجنک قبولی آلمانیا ایمپراطورندن التماس ایتک. »
 ۲ — قورلاندک حقیقی صورتده آلمانیا به ارتباطی ایچون قورلاند ایله آلمانیا آره‌سنده عسکرک، کومروک، تیوریولار، مسکوکات، مقیاسات و سائر مواد جنده مقاولات مخصوصه عقدی آرزوسنی اظهار ایلیمک.

۳ — بالظ دکرزی ساحلنده کی بوتون ممالکک آلمانیا به التحاق ایدرک متحد برهیت حکومت تشکیل ایدمکی امیدینی اظهار ایتک. »

تونی آلمانیا حکومتی ده قبول ایلهدی. آرتق بوندن سوکره (قورلاند) دوقه‌لقنک آلمانیا هیئت متحده‌سی ارکانندن اولاجننی تخمین و قبول ایلدیلیرز.

☞ روسیه ده اختلال و حرکات داخلیه ده دوام اییدیور. موسقو و دهه طویلانان (سوویت) لر قونخره‌سی برا اکثریت قاهره و قطیه ایله اتفاق مربوطه عقد اولونان صلح معاهده‌سنی تصدیق ایتدی. ذاتا باشقه نه یایه جندی که...

دیگر طرفدن پاتختک پترسبورغدن «موسقو وایه نقلی ختام بولمشد. بوتون اهالی قویمسری موسقو وایه کیتمشلردر. بعض خبرلر (طروجکی) ناک خارجیه نظارتندن استعفا ایله حریبه نظارتی درعه‌ده ایتدیکنی سویله یورلر. دیگر طرفدن روسیه ده حال شغری به مخصوص باش قوماندانلق مأموریتی الفا ایلمشد.

اقصای شرقدن ژاپونیا مداخله‌سنه کتجه: بوتحقق ایتمه‌مشدر. مختلف بیاناتدن آکلاشیلیور که آمریقا ژاپونیا به سربست برافامشد. دشمنلریمزک الک ضعیف نقطه‌لرندن بریسی ده بواقصای شرق مسائلیدر. ☞ ینه صوک هفته‌نک وقایع مهمه‌سندن اولارق ائتلافک فلنک ویردکری اولتیماتومی ذکر ایلدیلیرز:

« لاهیده کی انکار صغیری، متفقیلرله جماعیر متحده آمریقا حکومتی نامنه، مناسب بر اجرت مقابلنده، بالعموم سفائنک ائتلاف اسرینه ترک ایلدیلینی هولاندیا حکومتندن طلب ایتش و سفائن مذکوره مناطق ممنوعه ده سیروسفر ایتدیریله‌جکی جهته. طوریل قضایی ویا غرق وقوع بولدیقی تقدیرده تضمینات ویله‌جکی بیان ایلمشد. جواب اعطایی ایچون، هولاندیا حکومتنه یدی کونک بر مهلت ویرلمشد. حکومت مذکوره، متفقلرک مطالبینی اسعاف ایتدیکی تقدیرده، کرک آمریقا لیمانلرنده و کرک اثنای سیاحتده بولنان فلنک سفائنی ضبط و مصادره ایلدیلر جکدر. بوندن باشقه ائتلاف دولتری، هولاندیا حکومتنه بغدادی سوقیاتی قطع ایلدیلر جکدر. »

یواولتیماتوم اوزرینه، افطار بیده‌ده کی سستملکاتی ائتلافک شرتجاوزندن محافظه مجبوریتنی داغما درپیش ایتمکه اولان هولالانده شویله بر قبول جوابی ویرمه مجبور قالدی:

« فلنک رئیس نظاری (لودون) شویاناتده بولونمشد: فلنک حکومتی، فلنک سفائن تجارتیه سنک مناطق مسدوده داخلده ایشاه‌دلسی حقنده ائتلاف دولترینک درمیان ایلدیکی طای قبوله کندیسنی

مجبور کورمکده در. سبی آلمانیا حکومتک ایکی آی ظرفنده فلمنک (۱۰۰,۰۰۰) طون بغدادی ویره میه جکنی بیلدیرهش اولمیدر. ائتلاف دولتری ۱۵ نیسانده ویره جکری (۱۰۰,۰۰۰) طون بغدادی ایچون طلب مذ کوری شرط قویملر ایدی. فلمنک حکومتی طلب مذ کوره موافقتی شرائط آتیه به تعلیق المشر :

۱ — فلمنک کنديسی ایچون کافی درجه ده سفائن براقيله جقدر . بوصورتله فلمنک ائتلافنامه موجینجه کنديسنه وبله جک ما کولات ایچون خام موادی فلمنک سفائنی ایله نقله مقتدر اوله جقدر .
۲ — بوصفینه لره کافی درجه ده کور ویره جکدر . ۳ — تهلهکلی منطقه ده فلمنک سفائنی ایله نه مسکر نه ده مهمات نقل ایلمیه جکدر . ۴ — فلمنک سفائنی تسلیح ایلمیه جکدر . سفائن مذ کوره مرتبائی بوصفائنده خدمته دوام ایدوب ایتمه مکده سربست براقيله جقدر . ضایع اولان سفائن یرینه حربدن صوکره درحال ائتلاف سفائنی ویره جکدر . فلمنک رئیس نظاری بیاناتک صوکنده احتیاج ومضایقه قارشیسنده حکومتک بویه بر تشبده بولمغه مجبور قالدیغنی ولکن فضله مساعدده بولنه میه جغنی بیان ایله مشدر «
بالطبع فلمنک بحر کتنه قارشی آلمانیا ده مقایله لازمه بی اختیار اتمکده سربستدر .

صوک دفعه لوندرده طوپلان ائتلاف قونفرانسک مقرراتی تک مهم اولدیغنی (لوییدجورج) بیان اتمشدر . فقط عجبا هانکی قونفرانسک مقرراتی غیر مهم ایدی ...!



بزه متعلق حادثات سیاسییه کلنجه : قارص اردهان و باطوم حقنه حقی پاشانک آلمان غزته جیلرینه واقع اولان شویاناتی اقتباس اتمکی بروجیه تلقی ایدرز :

«ائتلاف غزته لرنک بوسنجاقلریمز اهالیسنک تعیین مقدراتلرنده سربست براقيله لری مناسبتیه اظهار استدکاری حدت وانفعالک منبئی ، بعض انکیز سفیرلری طرفندن ، هلاک غائب ایتدیکی مملکتلرک بردها تورکیایه عودت اتمه می لازم کلامیکی یولنده ایلری سورولن متعصبانه نظریه در .

حکومتلری دینلرینه کوره تعیین ایدن واسلام مملکتلرینه دون بر موقع ویردن بونظریه ملتلرک حقوقنی انکار اتمکده در . فقط بر دیگر تلقی دهها واردرکه بوده تورک اداره سی آلتنده بولونان هرملتک حقوقدن محروم برمت اولدیغنی یولنده در . بناء علیه بو آداملرله مناقشه فائده سزدر .

تاریخی نقطه نظر دن تورکیا بو مملکتلر اوزرنده هر درلو حقوقی حائزدر . عرق نقطه نظر دن اهالینک قسم اعظمی مسلمانلر تشکیل اتمکده وخرستیانلر آنجاق کوچوک براقیتی حائز بولونمقده در . بواوچ منطقه تک وضعیت مستقبله لری هنوز غیر معیندر . بولر ایستلرسه مستقل اولورلر ، ایستلرسه مختاریته فائل اولورلر ویاخود تورکیایه التحاق ایدرلر .

بیطرف مملکتلر مطبوعاتک ، ارمنی و کورجیلرک طاقتلری مناسبتیه اظهار ایتدکاری حدت وانفعالده جدی براساسه استناد اتمه مکده در . تورکیانک ارمنیلردن هیچ برشی آلمان یغنی ، بالعکس دیگر حکومتلرک تضیقات وتعقیباته معروض قالدقجه کنديلرینی حمایه وصیانت ایتدیکی تاریخی ثابتدر . فلاکت آنجق روسیه تک شرقی آناطولیده بالقانلرده کنه مشابه وضعیتلر احداثه تشبث ایتدیکی زمان باشلامشدر . بوآندن اعتباراً روس قومیتله لری طرفندن سوق ایدیلن ارمنیلر بسیط جغرافی تلقینلره شکل حکومت ویرمک ایچون چالیشایه باشلادیلر . عثمانی ارمنیلرینی ، وطنمز ایچون بزمله مجادله دن صرف نظر ایتدکاری دقیقه دن اعتباراً قاردهش تلقی ایده جکمزى سولمکه لزوم یوقدر .

کورجیلره کلنجه : تورکیا قوتلی بولوندقجه مستقل بر کورجستانک دائماً موجود اولدیغنی ، کورجستان

حکومتك حياتنه روسیه طرفندن نهایت ویریلدیکی وکورجستانك تورکیانك روس اردولری طرفندن دوچارضعف ایدلمهسی نسبتنده اولقی اوزره هر درلوحقوقنی غیب ایتدیکی شایان قیددر. کورجستان ایله ایله حسن ائتلاف وکورجستانك شخصیتی حمایه تورکیا سیاستی ایچون برعنه در. »

☆☆☆

وقایع عسکریه به کلنجه : اول بول ۷-۱۸ مارت چاناق قلعه مظفرتمزك ، انگلیز - فرانسیز سفائن حربیه سندن مرکب هجوم فیلوسنی تارماز ایتدیکنز بوگونك سنه دوریه سنی تسعید ایتیلی یز . بو محاربه نی قارانان تورك مدافع لرحرب عمومینك ده اتفاق مربع لهنه قازانماسنه سبب اولدیله . بو مظفریت اوقدر مهمدرکه تأثیراتی حیات ملله و جریان تاریخ اوزرنده عصرلرجه مدت ظرفنده کوریه جکدر .

فلسطین جهه سنده ده شدید محاربات جریان ایدیور . ولایات شرقیه مزده (طورطوم) و (کوپری کوی) ارمنی چته لرینی تعقیب ایدن قطعاًمز طرفندن استرداد ایدلمشدر . بوگونلرده اسکی حدود عمزه وارا جغنز شه سزدر . ارض رومده شمعی به قدر ۱۶۸ طوب ، طربزونده ۸۲ طوب و آیریجه هر طرفده برجوق ماکنه لی توفنك ، عادی توفك ، بومبا آلاتی وسائر اغتنام اولونمشدر . ارضرومی قطعاًمز قارشی مدافعه به یلنه نن ارمنیلر ایکی بیکنن فضله تلفات ویرمشلدر .

دیگر جهه لره کلنجه : اوقرانیای (بولشه ویک) لردن تطهیره چالیشان آلمان و آوستریا قطعاتی (اوده سا) و (نیقولایه ف) ی اشغال ایتمشلدر . بورالرك اشغالی كرك اقتصاد و كرك عسكرك نقطه سندن فوق العاده مهمدر . (آتی) رفیق مزه کلن بر خصوصی تلغرافنامه به کوره (بولشه ویک) لر قاره دکن دونانماسنی اتفاق مربعه تسلیم ایدم جکدر . بو خبرك اهمیتنی ایضاحه حاجت یوقدر . ذاتاً (نیقولایه ف) دستکاهلرك آلمانلرك اننه کچمشدر . روس دونانماسنك اك مهم استنادکاهی بوراسی در .

دیگر طرفدن آلمانلر فیلانندیاه معاوضت لرینی ایفایه باشلامشلدر . بونك ایچون ابتدا (اولاند) آطه لرینی اشغال ایتمشلدر . شیمدی اورادن (فیلانندیا) ده (اوبو) لیمانی روس قیزیل خاصه لرندن ضبط ایله مشلدر .

وقایع عسکریه به دائر بوموم شیده (هینده نورغ) و (لوده ندورف) ك سوزلیدر . بونلر غرب جهه سی حقنده شوسوزلری صرف ایتمشلدر ،

« بوجه اوزرنده ، آرتق دشمنك نردن هجوم ایدم جکنی دوشونمك مسئله سی وارد دکلدر . چونك آلمانلر ، غربده بالذات تعرضه کچمکی دوشونه یله جك قدر قوتلیدرلر . دشمن هجوم ایدرسه ، آلمانلری ، کندیله رینه لازم کلن استقبالی ایفایه مهیا بوله جقدر . غرب جهه مز ، دائماً تقویه ایدلمکده بردوامدر . فرقه لر مز ، شرقدن غربه دوغری متماًدیاً نقل ایدلمکده در . آلمانلر ، حتی بوگوندن اعتباراً غرب جهه سنده فائزیت عددیه به مالک بوله نمقده درلر . اگر یکی محاربات وقوع بوله جقسه ، آلمانلر بونی براعتاد تام ایله درپیش اید بیلرلر . دشمن ، انگلیز - فرانسیز جهه سی آرقه سینده ، محاربه به حاضر در والرنده کی شمند و فرشبکه سی سایه سنده قولایقله نقل ایدم یله جك متعدد فرقه لر دن مرکب احتیاط قوتلری جمع ایلشدر . بو صورتله آلمانیانك ، ایفاسنه مجبور اولدیفی وظیفه نك اهمیت و عظمتی حقنده بر فکر ایدنیله بیلر . بونکله برابر ، آلمان قوای حربیه سی ، سلاحلرك بویکی مجادله سنده استحصال ظفر ایدینه جك قدر قوتلیدر . »

بوسوزلردن صوکره آرتق یکی تعرضلر و یکی مدعش محاربات بکله مک لازمدر . بکله بهلم .